

女科仙方

午 31

6-3

共 3 册

道光戊申重鐫

女科仙方

中壩桂籍齋藏板

仙方便覽序

余自束髮受書得遊樊雪鴻太守之門
手錄傅青主先生霜紅龕全集喜其才
大如海不可方物少長作畫亦以先生
爲師其醫方則未之見也壬辰九月常
芸閣觀察出女科四卷相示余喜出望
外亟爲抄錄試之病者應手立效屢試

屢驗無或爽者誠哉其爲仙方也本欲
重梓以廣其傳而輪銑銷磨刻無暇晷
不得已而求其原板又爲有力者持去
則重刻之舉不可緩矣顧或者曰先生
著作等身醫乃餘事近日所刻霜紅龕
集十止二三吾子舍其大而重其細非
眞知先生者予謂先生以活人爲心者

也知先生卽知先生之心卽心先生之
心伊古以來醫方充棟或拘於時勢或
牽於文義或用之而不效用之而不盡
效求其開卷了然雅俗共解村氓老媪
無不洞曉一經抄用捷如影響未有若
此書之簡而明神且速者先生醫學得
之仙傳又復竭盡心力列爲一百三十

餘條分爲二百三十餘症立一方有
加有減自行經以至生產及老病諸症
無病不搜無方不妙每條下先爲論辨
後乃立方猶恐人之疑慮復爲解說使
經絡腠理之微活脫紙上先生之心苦
矣先生之藥良矣使家置一本天下尙
有不孕之女難產之婦哉嘗論婦科之

難甚於小兒小兒口不能言父母得而
言之至於深閨重闈之中補精種子之
事真有問所不能問言所不能言得此
不語先生作依樣胡盧已收扁鵲之效
何妙如之何快如之語云不爲良相則
爲良醫言其活人之功不相上下使此
書暢行活人何可億萬計予所以不惜

重貴親爲較對者亦此意焉耳名曰仙
方便覽欲人之不敢輕視也異日少有
餘緡將出所抄之霜紅龕集而更梓之
是固有志焉而未之逮也

道光十五年八月二十二日淮南宮思

晉庶侯識



重刻女科仙方序

范文正公有云大丈夫不為良相便為良醫非以良相與國同休戚良醫為人寄死生道之大小雖異心之濟世實有相同者乎粵自神農軒岐以來世之名醫代不乏人而方書亦夥然理或艱深而難知方或奇僻而難用若安石以官禮誤蒼生徃徃而是求其論症簡明製方切要凡識字者皆能知知者皆能用用者皆無誤莫如陽曲傅徵君女科仙方一書客歲春得之

彰明邑侯牛雪橋先生歸而對症檢方每試輒應方
以仙稱名不虛矣因捐金重刻願四方樂善君子廣
傳共濟以是書為玉案丹臺也可以是書為伊衡傳
楫也亦可

時

道光二十八年歲次戊申十二月上浣江邑桂籍齋

謹識

凡例

一是書所引多內經素問解說透徹如
對面說話無不洞然閱者毋得自作
聰明

一是書分兩似乎較重不知古人煞費
苦心有不重不可者勿加增減

一是書先求病源如墮胎小產血崩諸

症多由不慎房幃所致病者宜自知
之

一是書不用金石諸藥自臻速效用者
不可以易而惑之

一是書所用人參皆以黨參代唯寫用
真遼參者始用遼參用者知之

一是書雖專治婦科而以理類推未始

不可以三隅反也

一 是書所用大劑皆有至理不信者勿服若信而不信自出心裁不如勿用爲妙

一 是書得自仙傳實參用古法蓋神仙亦循規矩若於隱怪求之不如其已

一 是書分胎前產後二門如於未病之

先細閱諸症思患豫防未有不長子

孫者

庶侯宮思晉并識

原序

執成方而治病。古今之大患也。昔人云。用古方治今病。如折舊屋蓋新屋。不經大匠之手。經營如何得宜。誠哉是言。昔張仲景先生作傷寒論。立一百一十三方。言後世必有執其方以誤人者。甚以成方之不可執也。然則今之女科一書。何爲而刻乎。此書爲傅青主徵君手著。其居心與仲景同。而立方與仲景異。何言之。仲景傷寒論。雜症也。有五運六氣之殊。有中表傳裏之異。或太陽太陰。不一其稟。或內傷外感。不一

其原陽極似陰陰極似陽不一其狀非精心辨症因
病製方不能易危就安應手卽愈此書則不然其方
專爲女科而設其症則爲婦女所同帶下血崩調經
種子以及胎前產後人雖有虛實寒熱之分而方則
極平易精詳之至故用之當時而效傳之後世而無
不效非若傷寒雜病必待臨症詳審化裁通變始無
貽誤也嘗慨後世方書汗牛充棟然或偏攻偏補專
於一家主熱主寒堅執謬論炫一己之才華失古人
之精奧仲景而後求其貫徹靈素能收十全之效者

不數數觀讀徵君此書。談症不落古人窠臼。制方不失古人準繩。用藥純和。無一峻品。辨症詳明。一日了然。病重者十劑奏功。病淺者數服立愈。較仲景之傷寒論。方雖不同。而濟世之功則一也。此書晉省鈔本甚夥。然多秘而不傳。間有減去藥味。錯亂分量者。彼此參證。多不相符。茲不揣冒昧。詳校而重刊之。竊願家置一編。遇症翻檢。照方煎服。必能立起沈疴。並登壽域。或亦濟人利世之一端也夫。

道光十一年新正上元同里後學郝爾誠謹序

--	--	--	--	--	--	--

女科仙方目錄卷一九共三十八條方三十一

帶下

白帶完帶湯

青帶加減逍遙散

黃帶易黃湯

黑帶利火湯

赤帶清肝止淋湯

血崩

昏暗固本止崩湯

年老血崩 加減當歸補血湯

少婦血崩 固氣散

交感血出 引精止血湯

鬱結血崩 平肝開鬱止血湯

閃跌血崩 逐瘀止血湯

血海太熱血崩 清海丸

鬼胎

婦人鬼胎 蕩鬼湯 紅花霹靂散

室女鬼胎 蕩邪散 調正湯

調經

經水先期

水火太旺清經散
水虧兩地湯

經水後期

溫經攝
血湯

經水前後無定期

定經
湯

經水數月一行

助仙丹

年老經水復行

安老湯

經水忽來忽斷時疼時止

加味四
物湯

經水未來腹先疼

宣鬱通
經湯

行經後小腹疼痛

調肝湯

經前腹疼吐血 順經湯

經水將來臍下先疼痛 濕溫臍化

經水過多 加減四物湯

經前先洩水 健固湯

經前大便下血 順經兩安湯

年未老經水斷 益經湯

種子

身瘦不孕 養精種玉湯

胸滿不思食不孕 并提湯

下部冰冷不受孕 温胞湯

胸滿少食不受孕 温土毓
麟湯

少腹急迫不受孕 寬帶湯

嫉妬不孕 開鬱種
玉湯

肥胖不受孕 加味補中
益氣湯

骨蒸夜熱不受孕 清骨滋
腎湯

腰酸腹脹不受孕 升帶湯

便澀腹脹足浮腫不受孕 化水種
子湯

白帶

女科仙方卷一

陽曲傅青主徵君手著

白帶下一

夫帶下。俱是濕症。而以帶名者。因帶脈不能約束。而有此病。故以名之。蓋帶脈通於任督。任督病而帶脈始病。帶脈者。所以約束胞胎之系也。帶脈無力。則難以提繫。必然胎胞不固。故曰。帶弱則胎易墜。帶傷則胎不牢。然而帶脈之傷。非獨跌閃挫氣已也。或行房而放縱。或飲酒而顛狂。雖無疼痛之苦。而有暗耗之

女科仙方 卷一
害。則氣不能化經水。而反變爲帶病矣。大凡病帶者。惟尼僧寡婦。出嫁之女。多有之。在室女則少也。況加以脾氣之虛。肝氣之鬱。濕氣之侵。熱氣之逼。安得不成帶下之病哉。故婦人有終年累月。下流白物。如涕如唾。不能禁止。甚則臭穢者。所謂白帶也。夫白帶乃濕盛而火衰。肝鬱而氣弱。則脾氣受傷。濕土之氣下陷。是以脾精不守。不能化榮血以爲經水。反變成白滑之物。由陰門直下。欲自禁而不可得也。治法宜大補脾胃之氣。稍佐以舒肝之品。使風木不閉塞於地。

中。則地氣自升騰於天上。脾氣健而濕氣消。自無白帶之患矣。方用完帶湯。

白朮

一兩

炒

山藥

一兩

人參

二錢

白芍

五錢

酒炒

車前子

三錢

酒炒

蒼朮

三錢

甘草

一錢

陳皮

五錢

黑芥穗

五分

柴胡

六分

水煎服。二劑輕。四劑止。六劑則白帶全愈。此方脾

胃肝三經同治之法。寓補於散之中。寄消於升之

內。開提肝木之氣。則肝血不燥。何至下剋脾土。補

益脾土之元。則脾氣不濕。何難分消水氣。至於補

脾而兼以補胃者。由裏以及表也。脾非胃氣之強。則脾氣不能旺。是補胃正所以補脾耳。

婦科一門最屬難治。不難於用方難於辨症也。五帶症辨之極明。立方極善。倘用之不效者。必其人經水不調。須於調經種子二門參酌治之。無不見效。卽如白帶症。倘服藥不效。其人必經水過期。少腹急迫。宜服寬帶湯。餘宜類參。方見三十三。

青帶下二

婦人有帶下而色青者甚則綠如菘豆汁稠粘不斷其氣腥臭所謂青帶也。夫青帶乃肝經之濕熱肝屬木。木色屬青。帶下流如菘豆汁。明明是肝木之病矣。但肝木最喜水潤。濕亦水之積。似濕非肝木之所惡。何以竟成青帶之症。不知水爲肝木之所喜而濕實肝木之所惡。以濕爲土之氣故也。以所惡者合之所喜。必有違者矣。肝之性既違則肝之氣必逆。氣欲上升。而濕欲下降。兩相牽掣。以停住於中焦之間。而走

於帶脈。遂從陰器而出。其色青綠者。正以其乘肝木之氣化也。逆輕者熱必輕。其色青。逆重者熱必重。而色綠。似乎治青易而治綠難。然而均無所難也。解肝木之火。利膀胱之水。則青綠之帶病均去矣。方用加減逍遙散。

茯苓五錢

白芍

酒炒

甘草

生用

柴胡

一錢

陳皮一錢

茵陳

三錢

梔子

炒

三錢

水煎服。二劑則色淡。四劑而青綠之帶絕。不必過劑矣。夫逍遙散之立法也。乃解肝鬱之藥耳。何以

治青帶若斯。其神與蓋濕熱留於肝經。曰肝氣之鬱也。鬱則必逆。逍遙散最能解肝之鬱。與逆鬱逆之氣既解。則濕熱難留。而又益之以茵陳之利濕。梔子之清熱。肝氣得清。而青綠之帶。又何自來。此方之所以奇而效捷也。倘僅以利濕清熱治青帶。而置肝氣於不問。安有止帶之日哉。此方兼治濕熱發黃。

脾土喜燥而惡濕。土病濕。則木必乘之。木又爲濕土之氣所侮。故肝亦病。逍遙散減去當歸妙極。

女和作一

名

六

黃帶下三

婦人有帶下而色黃者。宛如黃茶濃汁。其氣腥穢。所謂黃帶是也。夫黃帶乃任脈之濕熱也。任脈本不能容水。濕氣安得而入。而化爲黃帶乎。不知帶脈橫生。通於任脈。任脈直上。走於唇齒。唇齒之間。原有不斷之泉。下貫於任脈。以化精。使任脈無熱。之繞。則口中之津液。盡化爲精。以入於腎矣。惟有熱邪。存於下焦之間。則津液不能化精。而反化濕也。夫濕者土之氣。實水之侵。熱者火之氣。實木之生。水色本黑。火色

黃帶

本紅。今濕與熱合。欲化紅而不能。欲返黑而不得。煎熬成汁。因變爲黃色矣。此乃不從水火之化。而從濕化也。所以世之人。有以黃帶爲脾之濕熱。單去治脾。而不得痊者。是不知真水真火。合成丹邪。元邪。繞於任脈胞胎之間。而化此齡色也。單治脾何能痊乎。法宜補任脈之虛。而清腎火之炎。則庶幾矣。方用易黃湯。

山藥炒一兩

芡實

炒一兩

黃柏

水炒

鹽

車前子

炒一錢酒

白果

十枚碎

水煎連服四劑。無不愈。此不特治黃帶方也。凡有帶病者。均可治之。而治帶之黃者。功更奇也。蓋山藥芡實。專補任脈之虛。又能利水。加白果。引入任脈之中。更爲便捷。所以奏功之速也。至於用黃柏清腎中之火也。腎與任脈相通。以相濟。解腎中之火。卽解任脈之熱矣。

丹邪元邪四字。未晰。擬易以真水真火。爲濕熱之氣所侵。繞於任脈云云。較無語病。然原書究不可輕改。姑仍之。

凡帶症多係脾濕。初病無熱。但補脾土。兼理衝任
之氣。其病自愈。若濕久生熱。必待清腎火。而濕始
有去路。方用黃柏車前子妙。

黑帶下四

婦人有帶下而色黑者。甚則如黑豆汁。其氣亦腥。所謂黑帶也。夫黑帶者。乃火熱之極也。或疑火色本紅。何以成黑。謂爲下寒之極。或有之。殊不知火極似水。乃假象也。其症必腹中疼痛。小便時如刀刺。陰門必發腫。面色必發紅。日久必黃瘦。飲食必兼人。口中必熱渴。飲以涼水。少覺寬快。此胃火太旺。與命門膀胱三焦之火。合而熬煎。所以熬乾而變爲炭色。斷是火熱之極之變。而非少有寒氣也。此等之症。不至發狂。

者全賴腎水與肺金無病。養其生生不息之氣。潤心
濟胃以救之耳。所以但成黑帶之症。是火結於下。而
不炎於上也。治法惟以洩火為主。火熱退。濕自除矣。
方用利火湯。

大黃 三錢

白朮

五錢

茯苓

三錢

車前子

三錢

酒炒

王不留行

三錢

黃連

三錢

梔子

三錢

知母

二錢

石膏

五錢

劉寄奴

三錢

水煎服一劑。小便疼止而通利。二劑黑帶變為白
亦少減。再三劑全愈矣。或謂此方過於迅利。殊不

知火盛之時。用不得依違之法。譬知救火之焚。而少爲遷緩。則火熱延然。不盡不止。今用黃連石膏梔子知母。一派寒涼之品。入於大黃之中。則迅速掃除。而又得王不留行。與劉寄奴之利濕甚急。則濕與熱。俱無停住之機。佐白朮以輔土。茯苓以滲濕。車前以利水。則火退水進。更成旣濟之卦矣。病愈後當節飲食。戒辛熱之物。調養脾土。若恃有此方。病發卽服。必傷元氣矣。慎之。

此方專治婦人經水不調赤白帶下

或治子宮虛冷不孕或治產後血暈

或治心腹疼痛或治小兒疳積

或治一切雜症

此方乃婦科聖藥也

凡患此症者宜早服之

庶不致誤

此方之妙不可言也

赤帶下五

婦人有帶下而色紅者。似血非血。淋瀝不斷。所謂赤帶也。夫赤帶亦濕病。濕是土之氣。宜見黃白之色。今不見黃白而見赤者。火熱故也。火色赤。故帶下亦赤耳。惟是帶脈繫於腰臍之間。近乎至陰之地。不宜有火。而今見火症。豈其路通於命門。而命門之火出而燎之耶。不知帶脈通於腎。而腎氣通於肝。婦人憂思傷脾。又加鬱怒傷肝。於是肝經之鬱火內熾。下尅脾土。脾土不能運化。致濕熱之氣蘊於帶脈之間。而肝

赤帶

不藏血。亦滲於帶脈之內。皆由脾氣受傷。運化無力。濕熱之氣。隨氣下陷。同血俱下。所以似血非血之形。象現於其色也。其實血與濕不能兩分。世人以赤帶屬之心火。誤矣。治法須清肝火。而扶脾氣。則庶幾可愈。方用清肝止淋湯。

白芍一兩 當歸一兩 生地五錢 阿膠三錢

粉丹皮三錢 黃柏二錢 牛膝二錢 香附一錢

紅棗十個 小黑豆一兩

小煎服一劑少止。二劑又少止。四劑愈。十劑不再。

發。此方但主補肝之血。全不利脾之濕者。以赤帶之爲病。火重而濕輕也。夫火之所以旺者。由於血之衰。補血卽足以制火。且水與血合。而成赤帶之症。竟不能辨其是濕非濕。則濕亦盡化而爲血矣。所以治血。則濕亦除。又何必利濕之多事哉。此方之妙。妙在純於治血。少加清火之味。故奏功獨奇。倘一利其濕。反引火下行。轉難遽效矣。或問曰。先生前言。助其脾土之氣。今但補其肝木之血。何也。不知用芍藥以平肝。則肝氣得舒。肝氣舒。自不尅

土脾不受尅。則脾土自旺。是平肝正所以扶脾耳。又何必加人參白朮之品。以致累事哉。

不用參朮苓極妙。此症若誤認爲血漏。恐其久則成崩。用參朮苓等藥治之。多不見效。赤帶反甚。若年逾四九。癸水將止。或頻頻見血。此崩症也。宜分別治之。

五帶症古方極多。然有應有不應者。總屬未得病原。此書揭透病原。故用無不效。

血崩昏暗六

婦人有一時血崩。兩目黑暗。昏暈在地。不省人事者。人莫不謂火盛動血也。然此火非實火。乃虛火耳。世人一見血崩。往往用止澁之品。雖亦能取效於一時。但不用補陰之藥。則虛火易於沖擊。恐隨止隨發。以致經年累月。不能全愈者有之。是止崩之藥。不可獨用。必須於補陰之中。行止崩之法。方用固本止崩湯。

大熟地

一兩

白朮

一兩

炒焦

黃芪

三錢

當歸

五錢

酒洗

黑薑

二錢

人參

三錢

水煎服。一劑崩止。十劑不再發。倘畏藥味之重。而減半。則力薄而不能止。方妙在全不去止血。而惟補血。又不止補血。而更補氣。非惟補氣。而更補火。蓋血崩而至於黑暗昏暈。則血已盡去。僅存一線之氣。以爲護持。若不急補其氣。以生血。而先補其血。而遺氣。則有形之血。恐不能遽生。而無形之氣。必且至盡散。此所以不先補血。而先補氣也。然單補氣。則血又不易生。單補血。而不補火。則血又必凝滯。而不能隨氣而速生。况黑薑引血歸經。是補

中又有收斂之妙。所以同補氣補血之藥並用之耳。

若血崩數日。血下數斗。六脉俱無。鼻中微微有息。不可遽服此方。恐氣將脫。不能受峻補也。有力者用遼人參。三錢。去蘆。煎成。沖貫仲炭末一錢服之。待氣

息微旺。然後服此方。仍加貫仲炭末一錢。無不見效。無力者。用無灰黃酒。沖貫仲炭末三錢服之。待其氣接神清。始可服此方。人參以黨參代之。臨服亦加貫衆炭末一錢。沖入。貫仲藥名。切碎用瓦焙

女和仙方

卷一

七

成炭。



年老血崩七

婦人有年老血崩者。其症亦與前血崩昏暗者同。人以爲老婦之虛耳。誰知是不慎房幃之故乎。夫婦人至五十歲外。天癸匱乏。原宜閉關守寨。不宜出陣戰爭。苟或適興。不過草草了事。尙不至腎火大動。倘與酣浪戰。亦如少年之好合。鮮不血室大開。崩決而墜矣。方用加減當歸補血湯。

當歸

一兩酒洗

黃芪

一兩生用

三七根末

三錢

桑葉

十四片

水煎服。二劑而血少止。四劑不再發。然必須斷慾

年老血崩

始除根。若再犯色慾。未有不重病者也。夫補血湯。乃氣血兩補之神劑。三七根。乃止血之聖藥。加入桑葉者。所以滋腎之陰。又有收斂之妙耳。但老婦陰精既虧。用此方以止其暫時之漏。實有奇功。而不可責其永遠之績者。以補精之味尚少也。服此四劑後。再增入白朮五錢熟地一兩山藥四錢麥冬三錢北五味一錢服百劑。則血漏之根可盡除矣。

亦有孀婦年老血崩者。必係氣沖血室。原方加杭芍炭三錢。貫衆炭三錢。極效。

少婦血崩八

有少婦甫娠三月。卽便血崩。而胎亦隨墮。人以為挫閃受傷而致。誰知是行房不慎之過哉。夫少婦行房亦事之常耳。何便血崩。蓋因元氣衰弱。事難兩顧。一經行房洩精。則妊娠無所依養。遂致崩而且墮。凡婦人之氣衰。卽不耐久戰。若貪歡久戰。則必洩精太甚。氣每不能攝夫血矣。况氣弱而又妊。再加以久戰。內外之氣皆動。而血又何能固哉。崩而墮也。亦無怪其然也。治法自當以補氣為主。而少佐以補血之品。斯

爲得之。方用固氣湯。

人參 一兩

白朮

五錢
土炒

大熟地

五錢
九蒸

當歸

三錢
酒洗

白茯苓

二錢

甘草

一錢

杜仲

三錢
炒黑

山萸肉

二錢
蒸

遠志

一錢
去心

五味子

十粒
炒

水煎服一劑而血止。連服十劑愈。此方固氣而兼補血。已去之血。可以速生。將脫之血。可以盡攝。凡氣虛而崩漏者。此方最可通治。非僅治小產之崩。其最妙者。不去止血。而止血之味。含於補氣之中也。

妊娠宜避房事。不避者。縱幸不至崩。往往墮胎。卽
不墮胎。生子亦難養。慎之戒之。

女科仙方

卷一

三

交感出血九

婦人有一交合。則流血不止者。雖不至於血崩之甚。而終年累月。不得愈。未免氣血兩傷。久則恐有血枯經閉之憂。此等之症。成於經水正來之時。貪歡交合。精沖血管也。夫精沖血管。不過一時之傷。精出宜愈。何以久而流紅。不知血管最嬌嫩。斷不可以精傷。凡婦人受孕。必於血管已淨之時。方保無虞。倘經水正旺。彼欲湧出。而精射之。則欲出之血。反退而縮入。既不能受精而成胎。勢必至集精而化血。交感之際。淫

氣觸動其舊日之精。則兩相感召。舊精欲出。而血亦隨之而出。治法。須通其胞胎之氣。引舊日之集精外出。而益之以補氣補精之藥。則血管之傷。可以補完矣。方用引精止血湯。

人參 五錢

白朮

一兩

茯苓

三錢

熟地

一兩

九蒸

山萸肉

五錢

黑薑

一錢

黃柏

五分

芥穗

三錢

車前子

三錢

酒炒

水煎連服四劑。愈。十劑不再發。此方用人參朮以補氣。用地萸以補精。精氣既旺。則血管流通。加入茯

芥車前以利水與竅水利則血管亦利。又加黃柏爲引直入血管之中。而引夙精出於血管之外。芥穗引敗血出於血管之內。黑薑以止血管之口。一方之中實有調停曲折之妙。故能祛舊病而除陳疴。然必須慎房幃三月。破者始不至重傷。而補者始不至重損。否則不過取目前之效耳。其慎之哉。宜寡慾。

欲種子者必待落紅後。卽三十時辰兩日半也。經來之日數足三十時辰。便可入房。一日男。二日女。

三日男。四日女。五日男。六日女。七日男。過七日。卽不能受孕矣。

鬱結血崩十

婦人有懷抱甚鬱。口乾舌渴。嘔吐吞酸。而血下崩者。人皆以火治之。時而效。時而不效。其故何也。是不識爲肝氣之鬱結也。夫肝主藏血。氣結而血亦結。何以反至崩漏。蓋肝之性急。氣結則其急更甚。更急則血不能藏。故崩不免也。治法宜以開鬱爲主。若徒開其鬱。而不知平肝。則肝氣大開。肝火更熾。而血亦不能止矣。方用平肝開鬱止血湯。

白芍

一兩

白朮

一兩

當歸

一兩

丹皮

三錢

鬱結血崩

三七根三錢 生地三錢 甘草二錢 黑芥穗二錢

柴胡一錢 此方入貫仲炭三錢更妙

水煎服。一劑嘔吐止。二劑乾渴除。四劑血崩愈。方中妙在白芍之平肝。柴胡之開鬱。白朮利腰臍。則血無積住之虞。荆芥通經絡。則血有歸還之樂。丹皮又清骨髓之熱。生地復清臟腑之炎。當歸三七於補血之中。以行止血之法。自然鬱結散。而血崩止矣。

閃跌血崩十一

婦人有升高墜落。或閃挫受傷。以致惡血下流。有如血崩之狀者。若以崩治。非徒無益。而又害之也。蓋此症之狀。必手按之而疼痛。久之則面色痿黃。形容枯槁。乃是瘀血作祟。並非血崩可比。倘不知解瘀。而用補澁。則瘀血內攻。疼無止時。反致新血不得生。舊血無由化。死不能悟。豈不可傷哉。治法。須行血以去瘀。活血以止疼。則血自止而愈矣。方用逐瘀止血湯。

生地一兩 大黃三錢 赤芍三錢 丹皮一錢

當歸尾 五錢 只壳 五錢 龜版 三錢 桃仁 十粒
炒 炙 醋炙 炒 研

水煎服。一劑疼輕。二劑疼止。三劑血亦全止。不必再服矣。此方之妙。妙於活血之中。佐以下滯之品。故逐瘀如掃。而止血如神。或疑跌閃升墜。是由外而傷內。雖不比內傷之重。而既已血崩。則內之所傷。亦不為輕。何以只治其瘀。而不顧氣也。殊不知跌閃升墜。非由內傷。以及外傷者。可比。蓋本實不撥。去其標病可耳。故曰急則治其標。

凡跌打損傷。致唾血嘔血。皆宜如此治法。若血聚

胃中宜加川厚朴一錢半。姜汁炒。

女
和
小
方

朱
魚

五

血海太熱血崩十二

婦人有每行人道經水卽來。一如血崩。人以爲胞胎有傷。觸之以動其血也。誰知是子宮血海。因太熱而不固乎。夫子宮卽在胞胎之下。而血海又在胞胎之上。血海者衝脈也。衝脈太寒。而血卽虧。衝脈太熱。而血卽沸。血崩之爲病。正衝脈之太熱也。然旣由衝脈之熱。則應常崩。無有止時。何以行人道而始來。果與肝木無恙耶。夫脾健則能攝血。肝平則能藏血。人未入房之時。君相二火。寂然不動。雖衝脈獨熱。而血亦

不至外馳。及有人道之感。則子宮大開。君相火動。以熱招熱。同氣相求。翕然齊動。以鼓其精房。血海泛濫。有不能止遏之勢。肝欲藏之而不能。脾欲攝之而不得。故經水隨交感而至。若有聲應之捷。是惟火之爲病也。治法。必須滋陰降火。以清血海。而和子宮。則終身之病。可半載而除矣。然必絕慾三月而後可。方用清海丸。

大熟地

一斤九蒸

山萸

十兩蒸

山藥

十兩炒

丹皮

十兩

沙參

十兩

北五味

二兩炒

麥冬

肉十兩

白朮

土一斤炒

白芍一斤酒炒龍骨二兩石斛十兩地骨皮一兩

乾桑葉一斤元參一斤

右十四味各爲細末。合一處煉蜜丸。桐子大。早晚每服五錢。白滾水送下。半載全愈。此方補陰而無浮動之慮。縮血而無寒涼之苦。日計不足。月計有餘。潛移默奪。子宮清涼。而血海自固。倘不揣其本而齊其末。徒以髮灰白礬黃連炭五倍子等藥末以外治其幽隱之處。正恐愈澁愈流。終必至於敗亡也。可不慎與。

凡血崩症。最宜絕慾避房。無柰少年人。彼此貪歡。故服藥往往不效。若三月後崩止病愈而房事仍無節制。病必復作。久則成勞。慎之。

婦人鬼胎十三

婦人有腹似懷孕。終年不產。甚至二三年不生者。此鬼胎也。其人必面色黃瘦。肌膚消削。腹大如斗。溯所由來。必素與鬼交。或入神廟。而興雲雨之思。或遊山林。而起交感之念。皆能召祟成胎。幸其人不至淫蕩。見祟而有驚惶。遇合而生愧惡。則鬼祟不能久戀。一交媾。卽遠去。然淫妖之氣。已結於腹。遂成鬼胎。其先尚未覺。迨後漸漸腹大。經水不行。內外色相。一如懷胎之狀。有似血臄之形。其實是鬼胎。而非臄也。治法

婦人鬼胎

必須以逐穢爲主。然人至懷胎數年不產。卽非鬼胎。亦必氣血衰微。况此非真妊。則邪氣必旺。正不敵邪。其虛弱之狀。必有可掬。烏可純用迅利之藥。以祛蕩乎。必於補中逐之爲的也。方用蕩鬼湯。

人參 一兩

當歸 一兩

大黃 一兩

雷丸 三錢

川牛膝 三錢

紅花 三錢

丹皮 三錢

枳壳 一錢

厚朴 一錢

小桃仁 三十粒

水煎服。一劑腹必大鳴。可瀉惡物半桶。再服一劑。又瀉惡物而愈矣。斷不可復用三劑也。蓋雖補中。

用逐。未免迅利。多用恐傷損元氣。此方用雷丸以
祛穢。又得大黃之掃除。且佐以厚朴紅花桃仁等
味。皆善行善攻之品。何邪之尙能留腹中。而不盡
逐下也哉。尤妙在用參歸以補氣血。則邪去而正
不傷。若單用雷丸大黃以迅下之。必有氣脫血崩
之患矣。倘或知是鬼胎。如室女寡婦輩。邪氣雖盛。
而真氣未漓。可用岐天師新傳紅花霹靂散。紅花
半斤。大黃五兩雷丸三兩水煎服。亦能下胎。然未免過
於迅利。過傷氣血。不若蕩鬼湯之有益無損。爲愈

也。在人臨症時斟酌而善用之耳。

鬼崇之事。儒者弗道。然城市鄉曲。往往有是症。不可不察。甚勿以此言爲荒唐也。

室女鬼胎十四

女子有在家未嫁。月經忽斷。腹大如妊。面色乍赤乍白。六脉乍大乍小。人以為血結經閉也。誰知是靈鬼憑身乎。夫人之身正。則諸邪不敢侵其身。不正。則諸邪自來犯。或精神恍惚。而夢裏求親。或眼目昏花。而對面相狎。或假托親屬。而暗處貪歡。或明言仙人。而靜地取樂。其始則驚詫為奇遇。而不肯告人。其後則羞赧為淫褻。而不敢告人。日久年深。腹大如斗。有如懷妊之狀。一身之精血。僅足以供腹中之邪。則邪日

旺而正日衰。勢必至經閉而血枯。後雖欲導其經。而邪據其腹。則經亦難通。欲生其血。而邪食其精。則血實難長。醫以爲胎。而實非真胎。又以爲瘕。而亦非瘕病。往往因循等待。非因羞憤而亡其生。卽成勞瘵而終不起。至死不悟。不重可悲哉。治法似宜補正以祛邪。然邪不先去。補正亦無益也。必須先祛邪而後補正。斯爲得之。方用蕩邪散。

雷丸 六錢
桃仁 六十粒
當歸 一兩
丹皮 一兩

甘草 四錢

水煎服。一劑必下惡物。半桶。再服調正湯治之。

白朮 五錢 蒼朮 五錢 茯苓 三錢 陳皮 一錢 貝母 一錢

薏米 五錢

水煎連服四劑。則脾胃之氣轉。而經水漸行矣。前方蕩邪。後方補正。實有次第。或疑身懷鬼胎。必大傷其血。所以經閉。今既墜其鬼胎矣。自當大補其血。乃不補血。而反補胃氣。何故。蓋鬼胎中人。其正氣大虛。可知。氣虛則血必不能驟生。欲補血。必先補氣。是補氣而血自然生也。用二朮以補胃陽。陽

氣旺。則陰氣難犯。尤善後之妙法也。倘重用補陰之品。則以陰招陰。吾恐鬼胎雖下。而鬼氣未必不再侵。故必以補陽爲上策。而血自隨氣而生也。

此方陰陽大矣。見有因此病。羞憤而蹈於非命。勞瘵而喪於妙年。深爲可憫。若服此方不應。宜服桂香平胃散。無不見效。愈後宜調養氣血。節飲食。

肉桂去粗皮一錢。麝香一錢。以上二味。共研細末。開水爲丸。如桐子大。空心開水下。服後半日。時前平胃散一劑服之。蒼朮米泔炒三錢。厚朴二錢。廣皮一錢。

枳實

二錢
大炒

全當歸

三錢
酒洗

川芎

一錢
酒洗

服後必下惡物

若不見下惡物。次日再服平胃散。不用桂香。

調經經水先期十五

婦人有先期經來者。其經甚多。人以為血熱之極也。誰知是腎中水火太旺乎。夫火太旺則血熱。水太旺則血多。此有餘之病。非不足症也。似宜不藥有喜。但過於有餘。則子宮太熱。亦難受孕。更恐有燥乾男精之慮。過者損之。謂非既濟之道乎。然而火不可任其有餘。而水斷不可使之不足。治法。但少清其熱。不必洩其水也。方用清經散。

丹皮 三錢
地骨皮 五錢
白芍 三錢
酒炒 大熟地 三錢
九蒸

青蒿一錢

白茯苓一錢

黃栢

五分鹽水浸炒

水煎服二劑而火自平。此方雖是清火之品。然仍是滋水之味。火洩而水不與俱洩。損而益也。

又有先期經來。只一二點者。人以爲血熱之極也。誰知腎中火旺。而陰水虧乎。夫同是先期之來。何以分虛實之異。蓋婦人之經最難調。苟不分別細微。用藥鮮克有效。先期者。火氣之沖。多寡者。水氣之驗。故先期而來多者。火熱而水有餘也。先期而來少者。火熱而水不足也。倘一見先期之來。俱以爲有餘之熱。但

洩火而不補水。或水火兩洩之。有不更增其病者乎。
治法。不必洩火。只專補水。水既足而火自消矣。亦既
濟之道也。方用兩地湯。

大生地

一兩
酒炒

元參

一兩

白芍藥

五錢
酒炒

麥冬肉

五錢

地骨

三錢

阿膠

三錢

水煎服。四劑而經調矣。此方之用地骨生地。能清
骨中之熱。骨中之熱。由於腎經之熱。清其骨髓。則
腎氣自清。而又不損傷胃氣。此治之巧也。况所用
諸藥。又純是補水之味。水盛而火自平。理也。此條

與上條參觀斷無誤治先期之病矣。

婦科調經尤難。蓋經調則無病。不調則百病叢生。治法宜詳察其病原。細審其所以不調之故。然後用藥始能見效。此書雖有先期後期。先後無定期之分。然須與種子帶下門參看。臨症時自有進見。

經水後期十六

婦人有經水後期而來多者。人以爲血虛之病也。誰知非血虛乎。蓋後期之多少。實有不同。不可執一而論。蓋後期而來少。血寒而不足。後期而來多。血寒而有餘。夫經本於腎。而其流五臟六腑之血。皆歸之。故經來而諸經之血盡來附益。以經水行而門啟。不遑迭闔。諸經之血乘其隙而皆出也。但血既出矣。則成不足。治法宜於補中溫散之。不得日後期者。俱不足也。方用溫經攝血湯。

大熟地

一兩九蒸

白芍

一兩酒炒

川芎

五錢酒洗

白朮

五錢土炒

柴胡

五分

五味子

三分

肉桂

五分去粗皮研

續斷

斷一錢

水煎服。三劑而經調矣。此方大補肝腎。脾之精與血。加肉桂以祛其寒。柴胡以解其鬱。是補中有散。而散不耗氣。補中有洩。而洩不損陰。所以補之有益。而溫之收功。此調經之妙藥也。亦攝血之仙丹也。凡經來後期者俱可用。倘元氣不足。加入參。一二錢亦可。

經水先後無定期 十七

婦人有經來斷續或前或後無定期。人以爲氣血之虛也。誰知是肝氣之鬱結乎。夫經水出諸腎而肝爲腎之子。肝鬱則腎亦鬱矣。腎鬱而氣必不宣。前後之或斷或續。正腎之或通或閉耳。或曰肝氣鬱而腎氣不應。未必至於如此。殊不知子母關切。子病而母必有顧復之情。肝鬱而腎不無纒綫之誼。肝氣之或開或閉。正腎氣之或去或留。相因而致。又何疑焉。治法宜舒肝之鬱。卽開腎之鬱也。肝腎之鬱。旣開而經水

自有一定之期矣。方用定經湯。

兔絲子

一兩酒炒

白芍

一兩酒炒

當歸

一兩酒洗

大熟地

五錢九蒸

山藥

五錢炒

白茯苓

三錢

芥穗

二錢炒

黑柴胡

五分

水煎服。二劑而經水淨。四劑而經水有定期矣。此

方舒肝腎之氣。非通經之藥也。補肝腎之精。非利

水之品也。肝腎之氣舒而精通。肝腎之精旺而水

利。不治之治。正妙於治也。

以上調經三條。辨論明晰。立方微妙。但恐臨時或

有外感內傷。不能見效。有外感者。宜加蘇葉一錢。

有內傷者宜加神曲二錢炒有因肉食積滯者再加

陳山查肉二錢炒臨症須酌用之若肝氣鬱抑又當

以逍遙散爲主有熱加梔炭丹皮卽加味道遙散

女和仙方

卷一

三

經水數月一行十八

婦人有數月一行經者。每以爲常。亦無或先或後之異。亦無或多或少之殊。人莫不以爲異。而不知非異也。蓋無病之人。氣血兩不虧損耳。夫氣血既不虧損。何以數月而一行經也。婦人之中。亦有天生仙骨者。經水必一季一行。蓋以季爲數。而不以月爲盈虛也。真氣內藏。則坎中之真陽不損。倘加以煉形之法。一年之內。便易飛騰。無如世人不知。見經水不應月來。誤認爲病。妄用藥餌。本無病而治之。成病是治反不

如其不治也。山聞異人之教。特爲闡揚。使世人見此等行經。不必妄行治療。萬勿疑爲氣血之不足而輕一試也。雖然。天生仙骨之婦人。世固不少。而嗜慾損天之人。亦復甚多。又不可不立一療救之方。以輔之方。用助仙丹。

白茯苓 五錢

陳皮 五錢

白朮

三錢
土炒

白芍

三錢
酒炒

山藥 三錢
炒

兔絲子

三錢
酒炒

杜仲

一錢
炒黑

甘草

一錢

河水煎服。四劑而仍如其舊。不可再服也。此方平補之中。實有妙理。健脾益腎。而不滯。解鬱清痰。而

不洩。不損天然之氣血。便是調經之大法。何得用他藥以通經哉。

曾見婦人。一年一行經。身健無恙。妊娠後。反月月行經。或至五月。至七月。經止。不等。育男皆成人。咸以爲異。或亦仙骨之所致乎。抑造化令人不測耶。

五
不
作
人

先

三

年老經水復行十九

婦人有年五十外。或六七十歲。忽然行經者。或下紫血塊。或如紅血淋。人或謂老婦行經。是還少之象。誰知是血崩之漸乎。夫婦人至七七之外。天癸已竭。又不服濟陰補陽之藥。如何能精滿化經。一如少婦。然經不宜行而行者。乃肝不藏。脾不統之故也。非精過洩。而動命門之火。卽氣鬱甚。而發龍雷之炎。二火交發。而血乃奔矣。有似行經。而實非經也。此等之症。非大補用脾之氣與血。而血安能驟止。方用安老湯。

人參 一兩

黃芪 一兩

大熟地 一兩

白朮 五錢

當歸 五錢

山萸 五錢

阿膠 一錢

黑芥穗 一錢

甘草 一錢

香附 五分

木耳炭 一錢

加貫仲炭 一錢

研細末以藥沖服尤妙

水煎服。一劑減。二劑尤減。四劑全減。十劑愈。此方補益肝脾之氣。氣足自能生血而攝血。尤妙。大補腎水。水足而肝氣自舒。肝舒而脾自得養。肝藏之而脾統之。又安有洩漏者。又何慮其血崩哉。

經水忽來忽斷時疼時止

二十

婦人有經水忽來忽斷時疼時止。寒熱往來者。人以爲血之凝也。誰知是肝氣不舒乎。夫肝屬木而藏血。最惡風寒。婦人當行經之際。腠理大開。適逢風之吹。寒之襲。則肝氣爲之閉塞。而經水之道路亦隨之而俱閉。由是腠理經絡各皆不宣。而寒熱之作。由是而起。其氣行於陽分。則生熱。其氣行於陰分。則生寒。然此猶感之輕者也。倘外感之風寒更甚。則內應之熱氣益深。往往有熱入血室。而變爲如狂之症。一似遇

鬼之狀者。若但往來寒熱。是風寒未甚。而熱未深耳。治法宜補肝中之血。通其鬱而散其風。則病隨手而效。所謂治風先治血。血和風自滅。此其一也。方用加味四物湯。

大熟地

一兩九錢

白芍

五錢

當歸

五錢

川芎

三錢

白朮

五錢

粉丹皮

三錢

元胡

一錢

甘草

一錢

柴胡

一錢

加荆芥穗

炒黑

一錢

元妙

一錢

水煎服。此方用四物以滋脾腎之陰血。用柴胡白芍丹皮以宣肝經之風機。用甘草白朮元胡以利

腰臍而和腹疼。入於表裏之間。通乎經絡之內。用
之得宜。自奏功如響也。

文和作方

名

号

經水未來腹先疼二十一

婦人有經前腹疼。數日而後經水行者。其經來多是紫黑塊。人以爲寒極而然也。誰知是熱極而火不化乎。夫肝屬木。其中有火。舒則通暢。鬱則不揚。經欲行而肝不應。則抑拂其氣而疼生。然經滿則不能內藏。而肝中之鬱火焚燒。內逼經出。則其火亦因之而怒洩。其紫黑者。水火兩戰之象也。其成塊者。火煎成形之狀也。經失其爲經者。正鬱火內奪其權耳。治法似宜大洩肝中之火。然洩肝之火。而不解肝之鬱。則熱

之標可去。而熱之本未除也。其何能益。方用宣鬱通經湯。

白芍

五錢 酒炒

當歸

五錢 酒洗

丹皮

五錢

山梔子

三錢 炒

白芥子

二錢 炒研

柴胡

一錢

香附

一錢 酒炒

川鬱金

一錢 醋炒

黃芩

一錢 酒炒

生甘草

一錢

水煎連服四劑。下月斷不先腹痛。而後行經矣。此方補肝之血。而解肝之鬱。利肝之氣。而降肝之火。所以奏功之速。

行經少腹疼痛二十二

婦人有少腹疼於行經之後者。人以爲血氣之虛也。誰知是腎氣之涸乎。夫經水者。乃天一之真水也。滿則溢而虛則閉。亦其常耳。何以虛能作疼哉。蓋腎水一虛。則水不能生木。而肝木必剋脾土。木土相爭。則氣必逆。故爾作疼。治法。必須以舒肝氣爲主。而益之以補腎之味。則水足而肝氣益安。肝氣安而逆氣自順。又何疼痛之有哉。方用調肝湯。

山藥五錢 阿膠三錢 當歸三錢 白芍三錢
炒 炒 酒洗 酒炒

山萸肉

三錢
蒸熟

巴戟

一錢
鹽水浸

甘草

一錢

水煎服。此方平調肝氣。既能轉逆氣。又善止鬱疼。經後之症。以此方調理。最佳。不特治經後腹疼之症也。

經前經後腹痛。二方極妙。不可加減。若有別症。亦宜以此方為主。另加藥味治之。原方不可減去一味。

經前腹疼吐血二十三

婦人有經未行之前一二日。忽然腹疼吐血。人以為火熱之極也。誰知是肝氣之逆乎。夫肝之性最急。宜順而不宜逆。順則氣安。逆則氣動。血隨氣為行止。氣安則血安。氣動則血動。亦勿恠其然也。或謂經逆在腎。而不在肝。何以隨血妄行。竟至從口上出也。是肝不藏血之故乎。抑腎不納氣而然乎。殊不知少陰之火。急如奔馬。得肝火直沖而上。其勢最捷。反經而為血。亦至便也。正不必以肝不藏血。始成吐血之症。但

此等吐血。與各經之吐血。有不同者。蓋各經之吐血。由內傷而成。經逆而吐血。乃內溢而激之使然也。其症有絕異。而其氣逆則一也。治法似宜平肝以順氣。而不必益精以補腎矣。雖然經逆而吐血。雖不大損夫血。而反覆顛倒。未免大傷腎氣。必須於補腎之中。用順氣之法。始為得當。方用順經湯。

當歸

五錢
酒洗

大熟地

五錢
九蒸

白芍

二錢
酒炒

丹皮

五錢

白茯苓

三錢

沙參

三錢

黑芥穗

三錢

水煎服。一劑而吐血止。二劑而經順。十劑不再發。

此方於補腎調經之中。而用引血歸經之品。是和
血之法。實屬順氣之法也。肝不逆而腎氣自順。腎
氣既順。又何經逆之有哉。

婦人年壯吐血。往往有之。不可作勞症治。若認爲
勞症。必至肝氣愈逆。非勞反成勞矣。方加茜草一
錢。懷牛夕八分。酒炒。

--	--	--	--	--

經水將來臍下先疼痛 二十四

婦人有經水將來。三五日前。而臍下作疼。狀如刀刺者。或寒熱交作。所下如黑豆汁。人莫不以爲血熱之極。誰知是下焦寒濕相爭之故乎。夫寒濕乃邪氣也。婦人有衝任之脉。居於下焦。衝爲血海。任主胞胎。爲血室。均喜正氣相通。最惡邪氣相犯。經水由二經而外出。而寒濕滿二經。而內亂。兩相爭。而作疼痛。邪愈盛。而正氣日衰。寒氣生濁。而下如豆汁之黑者。見北方寒水之象也。治法利其濕。而溫其寒。使衝任無邪。

氣之亂。臍下自無疼痛之疾矣。方用溫臍化濕湯。

白朮一兩 炒 白茯苓 三錢 山藥 五錢 炒 巴戟肉 五錢 鹽水浸

扁豆 炒搗 白果 十枚 搗碎 建蓮子 三十枚 不去心

水煎服。然必須經未來。前十日服之。四劑而邪氣去。經水調。兼可種子。此方用白朮以利腰臍之氣。用巴戟白果以通任脈。扁豆山藥蓮子以衛衝脈。所以寒濕掃除。而經水自調。可受妊矣。倘疑腹為熱疾。妄用寒涼。則衝任虛冷。血海變為水海。血室反成冰室。無論難於生育。而痛疼之止。又安有日。

哉。

衝任之氣宜通不宜降。故化濕不用蒼朮薏仁。餘
宜類參。

六

六

六

經水過多 二十五

婦人有經水過多。行後復行。面色痿黃。身體倦怠。而困乏愈甚者。人以爲血熱有餘之故。誰知是血虛而不歸經乎。夫血旺始經多。血虛當經縮。今血虛而反經多。是何言與。殊不知血歸於經。雖旺而經亦不多。血不歸經。雖衰而經亦不少。世人見經水過多。謂是血之旺也。此治之所以多錯耳。倘經多果是血旺。自是健壯之體。須當一行卽止。精力如常。何至一行後而再行。而困乏無力耶。惟經多是血之虛。故再行而

不勝其困乏。血損精散。骨中髓空。所以不能色華於面也。治法宜大補血。而引之歸經。又安有行後復行之病哉。方用加減四物湯。

大熟地

一兩

白芍

三錢

當歸

五錢

川芎

二錢

白朮

五錢

黑芥穗

三錢

山萸

三錢

續斷

一錢

甘草

一錢

水煎服。四劑而血歸經矣。十劑之後。加入參三錢。再服十劑。下月行經適可而止矣。夫四物湯乃補血之神品。加白朮荆芥。補中有利。加山萸續斷。止

中有行。加甘草以調和諸品。使之各得其宜。所以
血足經歸。歸經而血自靜矣。

荆芥穗炭。能引血歸經。方妙極。不可輕易加減。

和仁

名

三

經前洩水二十六

婦人有經未來之前。洩水三日。而後行經者。人以爲
血旺之故。誰知是脾氣之虛乎。夫脾統血。脾虛則不
能攝血矣。且脾屬濕土。脾虛則土不實。土不實而濕
更甚。所以經水將動。而脾先不固。脾經所統之血。欲
流注於血海。而濕氣乘之。所以先洩水。而後行經也。
調經之法。不在先治其水。而在先治其血。抑不在先
治其血。而在先補其氣。蓋氣旺而血自能生。抑氣旺
而濕自能除。且氣旺而經自能調矣。方用健固湯。

人參 五錢
白茯苓 三錢
白朮 一兩
巴戟 五錢
鹽水浸

薏苡仁 三錢
炒

水煎服。十劑經前不洩水矣。此方補脾氣以固脾血。則血攝於氣之中。脾氣日盛。自能運化其濕。濕既化而爲血。自然經水調和。又何至經前洩水哉。與胖人不孕參看。自得立方之妙。

經前大便下血二十七

婦人有行經之前一日大便先出血者。人以為血崩之症。誰知是經流於大腸乎。夫大腸與行經之路。各有分別。何以能入乎其中。不知胞胎之系。上通心而下通腎。心腎不交。則胞胎之血。兩無所歸。而心腎二經之氣。不來照攝。聽其自便。所以血不走小腸而走大腸也。治法。若單止大腸之血。則愈止而愈多。若擊動三焦之氣。則更拂亂而不可止。蓋經水之妄行。原因心腎之不交。今不使水火之既濟。而徒治其胞胎。

則胞胎之氣無所歸。而血安有歸經之日。故必大補其心與腎。使心腎之氣交。而胞胎之氣自不散。則大腸之血自不妄行。而經自順矣。方用順經兩安湯。

當歸 五錢 酒洗 白朮 五錢 土炒 白芍 五錢 酒炒 大熟地 五錢 九蒸

山萸肉 二錢 蒸 人參 三錢 麥冬 五錢 去心 黑芥穗 二錢

巴戟肉 一錢 鹽水浸 升麻 四分

水煎服二劑。大腸血止。而經從前陰出矣。三劑經止。而兼可受妊矣。此方乃大補心肝腎三經之藥。全不去顧胞胎。而胞胎有所歸者。以心腎之氣交。

也。蓋心腎虛則其氣兩分。心腎足則其氣兩合。心與腎不離。而胞胎之氣聽命於二經之攝。又安有妄動之形哉。然則心腎不交。補心腎可也。又何兼補夫肝木耶。不知肝乃腎之子。心之母也。補肝則肝氣往來於心腎之間。自然上引心而下入於腎。下引腎而上入於心。不啻介紹之助也。此使心腎相交之一大法門。不特調經而然也。學者其深思諸。

若大便下血過多。精神短少。人愈消瘦。必係肝氣

不舒。久鬱傷脾。脾傷不能統血。又當分別治之。方用補血湯。

嫩黃芪

二兩生熟各半

歸身

四錢酒洗炒黑

杭芍炭

三錢

焦白朮

五錢土炒

杜仲

二錢炒斷絲

荆芥炭

二錢

姜炭

二錢

引用貫仲炭一錢。中人服之。四劑必愈。愈後減半。再服二劑。

經入大腸。必當行經之際。而大便下血也。初病血雖錯行。精神必照常。若脾不統血。精神即不能照常矣。用者辨之。

年未老經水斷二十八

經云。女子七七而天癸絕。有年未至七七。而經水先斷者。人以爲血枯經閉也。誰知是心肝脾之氣鬱乎。使其血枯。安能以延於人世。醫見其經水不行。妄謂之血枯耳。其實非血之枯。乃經之閉也。且經原非血也。乃天一之水。出自腎中。是至陰之精。而有至陽之氣。故其色赤紅。似血而實非血。所以謂之天癸。世人以經爲血。此千古之誤。牢不可破。倘果是血。何不名之曰血水。而曰經水乎。古昔聖賢。創呼經水之名者。

原以水出於腎。乃癸干之化。故以名之。無如世人沿襲而不深思其旨。皆以血視之。然則經水早斷。似乎腎水衰涸。吾以爲心肝脾氣之鬱者。蓋以腎水之生。原不由於心肝脾。而腎水之化。實有關於心肝脾。使水位之下。無土氣以承之。則水濫滅火。腎氣不能化。火位之下。無水氣以承之。則火炎鑠金。腎氣無所生。木位之下。無金氣以承之。則木妄破土。腎氣無以成。惟心肝脾。有一經之鬱。則其氣不能入於腎中。腎之氣卽鬱而不宣矣。况心肝脾俱鬱。卽腎氣眞足而無

虧。尙有茹而難吐之勢。矧腎氣本虛。又何能盈滿而
化經水外洩耶。經曰。亢則害此之謂也。此經之所以
閉塞有似乎血枯。而實非血枯耳。治法必須散心肝
脾之鬱。而大補其腎水。仍大補其心肝脾之氣。則精
溢而經水自通矣。方用益經湯。

大熟地

一兩九蒸

白朮

一兩土炒

山藥

五錢炒

當歸

五錢酒洗

白芍

三錢酒炒

生棗仁

三錢搗碎

丹皮

二錢

沙參

三錢

柴胡

一錢

杜仲

一錢炒黑

人參

二錢

水煎。連服數劑。而經通矣。服三十劑。而經不再閉。

兼可受孕此方心肝脾腎四經同治藥也。妙在補以通之。散以開之。倘徒補則鬱不開而生火。徒散則氣益衰而耗精。設或用攻堅之劑。辛熱之品。則非徒無益而又害之矣。

善醫者。祇用眼前純和之品。而大病盡除。不善醫者。立異驚奇。不惟無效。反致百病叢生。凡用藥雜亂。假金石爲上品者。戒之。戒之。

種子

身瘦不孕二十九

婦人有瘦快身軀。久不孕育。一交男子。卽卧病終朝。人以爲氣虛之故。誰知是血虛之故乎。或謂血藏於肝。精涵於腎。交感乃洩腎之精。與血虛何與。殊不知肝氣不開。則精不能洩。腎精既洩。則肝氣亦不能舒。以腎爲肝之母。母既洩精。不能分潤。以養其子。則木燥乏水。而火且暗動。以鑠精。則腎愈虛矣。况瘦人多火。而又洩其精。則水益少。而火益熾。水雖制火。而腎精空乏。無力以濟。成火在水上之卦。所以倦怠而卧。

也。此等之婦。偏易動火。然此火因貪慾而出於肝木之中。又是虛燥之火。絕非真火也。且不交合則已。交合又偏易走洩。此陰虛火旺。不能受孕。卽偶爾受孕。必致逼乾男子之精。隨種而隨消者有之。治法必須大補腎水。而平肝木。水旺則血旺。血旺則火消。便成水在火上之卦。方用養精種玉湯。

大熟地一兩當歸五錢山萸肉五錢

九蒸

酒洗

蒸熟

水煎服。三月便可身健受孕。斷可種子。此方之用。不特補血。而純於填精精滿。則子宮易於攝精。血

足則子宮易於容物皆有子之道也。惟是貪慾者多。節慾者少。往往不驗。服此者。果能節慾三月。心靜神清。自無不孕之理。否則不過身體壯健而已。勿咎方之不靈也。

服藥三月後不受孕。仍照原方加杜仲

二錢炒斷絲

續斷

二錢

白朮

五錢土炒焦

雲苓

三錢

服數劑後必受孕矣。

Table with 5 columns and 10 rows of faint text.

胸滿不思食不孕三十

婦人有飲食減少。胸膈滿悶。終日倦怠思睡。一經房事。呻吟不已。人以爲脾胃之氣虛也。誰知是腎氣不足乎。夫氣宜升騰。不宜消降。升騰於上焦。則脾胃易於分運。降陷於下焦。則脾胃難於運化。人乏水穀之養。則精神自爾倦怠。脾胃之氣可升而不可降也。明甚。然則脾胃之氣。雖充於脾胃之中。實生於兩腎之內。無腎中之水氣。則胃之氣不能騰。無腎中之火氣。則脾之氣不能化。惟有腎之水火二氣。而脾胃之氣

始能升騰而不降也。然則補脾胃之氣可不急補腎中水火之氣乎。治法以補腎氣為主。但補腎而不兼補脾胃之品。則腎之水火二氣不能提於至陽之上也。方用并提湯。

大熟地

一兩九蒸

巴戟

一兩鹽水浸

白朮

一兩土炒

人參

五錢

黃芪

五錢生用

山萸肉

二錢蒸

枸杞

二錢

柴胡

五分

水煎服。三月而腎氣大旺。再服一月。未有不能受孕者。此方補氣之藥。多於補精。似乎以補脾胃為主矣。孰知脾胃健而生精自易。是補脾胃之氣與

血。正所以補腎之精與水也。又益以補精之味。則陰氣自足。陽氣易升。自爾騰越於上焦矣。陽氣不下陷。則無非大地陽春。隨遇皆是化生之機。安有不受孕之理與。

胸滿不孕。人每誤爲脾胃虛寒。不能尅食。用扶脾消導之藥。腎氣愈虛。何能受孕。妙在立方不峻。補腎火所以不用桂附等藥。但專補腎氣。使脾胃之氣不復下陷。則帶脈氣充。胞胎氣暖。自然受孕。無難矣。

三和作八

三

三

改湯爲丸。朝夕吞服。尤能攝精。斷不至有伯道無兒之嘆也。

今之種子者。多喜服熱藥。不知此方。特爲胞胎寒者。設若胞胎有熱。則不宜服。審之。



胸滿少食不孕 三十二

婦人有素性恬淡。飲食少則平和。多則難受。或作嘔
洩。胸膈脹滿。久不受孕。人以爲賦稟之薄也。誰知是
脾胃虛寒乎。夫脾胃之虛寒。原因心腎之虛寒耳。蓋
胃土非心火不能生。脾土非腎火不能化。心腎之火
衰。則脾胃失生化之權。卽不能消水穀以化精微矣。
旣不能化水穀之精微。自無津液以灌溉於胞胎之
中。欲胞胎有溫煖之氣以養胚胎。必不可得。縱然受
胎。而帶脈無力。亦必墮落。此脾胃虛寒之咎。故無王

麟之毓也。治法可不急温補其脾胃乎。然脾之母原在腎之命門。胃之母原在心之包絡。欲温補脾胃。必須補二經之火。盖母旺子必不弱。母熱子必不寒。此子病治母之義也。方用温土毓麟湯。

巴戟

一兩去心酒浸

覆盆子

一兩酒浸蒸

白朮

五錢土炒

人參

三錢

懷山藥

五錢炒

神麴

一錢炒

水煎服。一月可以種子矣。此方之妙。温補脾胃。而又兼補命門。與心包絡之火。藥味不多。而四經並治。命門心包之火旺。則脾與胃無寒冷之虞。子母

相顧。一家和合。自然飲食多而善化。氣血旺而能任帶脈有力。不虞落胎。安有玉麟之不育哉。

少食不為。與胸滿不思飲食有間。一補腎中之氣。一補命門與心包絡之火。藥味不多。其君臣佐使之妙。宜細參之。



少腹急迫不孕三十三

婦人有少腹之間。自覺有緊迫之狀。急而不舒。不能生育。此人人之所識也。誰知是帶脉之拘急乎。夫帶脉繫於腰臍之間。宜弛而不宜急。今帶脉之急者。由於腰臍之氣不利也。而腰臍之氣不利者。由於脾胃之氣不足也。脾胃氣虛。則腰臍之氣閉。腰臍之氣閉。則帶脉拘急。遂致牽動胞胎。精卽直射於胞胎。胞胎亦暫能茹納。而力難負載。必不能免小產之虞。况人多不能節慾。安得保其不墜乎。此帶脉之急。所以不

能生子也。治法宜寬其帶脉之急，而帶脉之急不能遠寬也。宜利其腰膈之氣，而腰膈之氣不能遽利也。必須大補其脾胃之氣與血，而腰膈可利，帶脉可寬，自不難於孕育矣。方用寬帶湯。

白朮一兩 土炒 巴戟肉五錢 酒浸 補骨脂一錢 鹽水炒 人參三錢

麥冬三錢 去心 杜仲三錢 炒黑 大熟地五錢 九蒸 肉苁蓉三錢 洗淨

白芍三錢 酒炒 當歸二錢 酒洗 五味三分 炒 建蓮子三十粒 不去心

水煎服，四劑少腹無緊迫之狀。服一月即受胎。此方之妙，脾胃兩補而又利其腰膈之氣，自然帶脉

寬舒。可以載物而勝任矣。或疑方中用五味白芍之酸收。不增帶脉之急。而反得帶脉之寬。殊不可解。豈知帶脉之急。由於氣血之虛。蓋血虛則縮而不伸。氣虛則攣而不達。用芍藥之酸。以平肝木。則肝不尅脾。用五味之酸。以生腎水。則腎能益帶。似相碍而實相濟也。何疑之有。

凡種子治法。不出帶脉胞胎二經。數言已洩造化之秘矣。

Table with 5 columns and 10 rows of text. The text is extremely faint and illegible due to fading and bleed-through from the reverse side of the page. The columns are separated by vertical lines, and the rows are separated by horizontal lines.

嫉妬不孕三十四

婦人有懷抱素惡不能生子者。人以爲天心厭之也。誰知是肝氣鬱結乎。夫婦人之有子也。必然心脈流利而滑。脾脈舒徐而和。腎脈大旺而鼓指。始稱喜脈。未有三部脈鬱而能生子者也。若三部脈鬱。肝氣必因之而更鬱。肝氣鬱則心腎之脈必致鬱之極而莫解。蓋子母相依。鬱必不喜。喜必不鬱也。其不能成胎者。以肝木不舒。必下剋脾土。而致塞脾土之氣。寒則腰臍之氣必不利。腰臍之氣不利。必不能通任脈而

達帶脉。則帶脉之氣亦塞矣。帶脉之氣既塞。則胞胎之門必閉。精卽到門。亦不得其門而入矣。其柰之何哉。治法必解四經之鬱。以開胞胎之門。則庶幾矣。方用開鬱種玉湯。

白芍

一兩

酒炒

香附

三錢

酒炒

當歸

五錢

酒洗

白朮

五錢

丹皮

三錢

酒洗

茯苓

三錢

去皮

花粉

三錢

水煎服。

一月則鬱結之氣開。鬱開則無非喜氣之

盈腹。而嫉妬之心。亦可以一息自然。兩相合好。結胎於頃刻之間矣。此方之妙。解肝氣之鬱。宜脾氣

之困。而心腎之氣亦因之俱虧。所以腰臍利而任帶通達。不必啟胞胎之門。而胞胎自啟。不特治嫉妬者也。

方似平平無奇。然却能解妬種子。不可忽視。若懷娠而仍然嫉妬。必致血鬱墮胎。卽幸不墮胎。生子多不能成。方加解妬飲。合煎之。可保無虞。必須變其性情始效。解妬飲。黍穀各九十粒。麥門小黑豆各四十九粒。豆炒熟。高糧五十五粒。

肥胖不孕 三十五

婦人有身體肥胖。痰涎甚多。不能受孕者。人以爲氣虛之故。誰知是濕盛之故乎。夫濕從下受。乃言外邪之濕也。而肥胖之濕。實非外邪。乃脾土之內病也。然脾土既病。不能分化水穀。以養四肢。宜其身軀瘦弱。何以能肥胖乎。不知濕盛者多肥胖。肥胖者多氣虛。氣虛者多痰涎。外似壯健。而內實虛損也。內虛則氣必衰。氣衰則不能行水。而濕停於腸胃之間。不能化精而化涎矣。夫脾本濕土。又因痰多。愈加其濕。脾不

能受熱。必津潤於胞胎。日積月累。則胞胎竟變爲汪洋之水窟矣。且肥胖之婦。內肉必滿。遮子宮。不能受精。此必然之勢也。況又加水濕之盛。卽男子甚健。陽精直達子宮。而其水勢滔滔泛濫。可畏。亦遂化精爲水矣。又何能成妊哉。治法。必須以洩水化痰爲主。然徒洩水化痰。而不急補脾胃之氣。則陽氣不旺。濕痰不去。人先病矣。烏望其茹而不吐乎。方用加味補中益氣湯。

人參 三錢

黃芪

三錢

生用柴胡

一錢

甘草

一錢

當歸

三錢酒洗

白朮

一兩七炒

升麻

四分

陳皮

五分

茯苓

五錢

半夏

三錢製

水煎服。八劑痰涎盡消。再十劑水濕利。子宮潤出。

易於受精而成孕矣。其在於昔。則如望洋觀海。而

至於今。則是馬到成功也。快哉此方之妙。妙在提

脾氣而升於上。作雲作雨。則水濕反利於下行。助

胃氣而消於下。為津為液。則痰涎轉易於上化。不

必用消化之品。以損其肥。而肥自無礙。不必用瀉

決之味。以開其竅。而竅自能通。陽氣充足。自能攝

精濕邪散除。自可受種。何肥胖不孕之足慮乎。
再十劑後。方加杜仲一錢半。炒斷絲。續斷一錢半。
炒。必受孕矣。

骨蒸夜熱不孕三十六

婦人有骨蒸夜熱。遍體火焦。口乾舌燥。咳嗽吐沫。難於生子者。人以為陰虛火動也。誰知是骨髓內熱乎。夫寒陰之地。固不生物。而乾旱之田。豈能長養。然而骨髓與胞胎。何相關切。而骨髓之熱。即能使人不嗣。此前賢所未言者也。山一旦創言之。不幾為世俗所駭乎。而要知不必駭也。此中實有至理。蓋胞胎為五臟外之一臟耳。以其不陰不陽。所以不列於五臟之中。所謂不陰不陽者。以胎上繫於心包。下繫於

命門繫心包者通於心。心者陽也。繫命門者通於腎。腎者陰也。是陰之中有陽。陽之中有陰。所以通於變化。或生男。或生女。俱從此出。然必陰陽協和。不偏不枯。始能變化生人。否則否矣。況胞胎既通於腎。而骨髓亦腎之所化也。骨髓熱。出於腎之熱。腎熱而胞胎亦不能不熱。且胞胎非骨髓之養。則嬰兒無以生。骨髓過熱。則骨中空虛。惟存火烈之氣。又何能成胎。治法。必須清骨中之熱。然骨熱。由於水虧。必補腎之陰。則骨熱除。珠露有滴濡之喜矣。壯水之主。以制陽。

此之謂也。方用清骨滋腎湯。

地骨皮

酒洗

丹皮

五錢

沙參

五錢

麥冬

五錢
去心

元參

五錢
酒洗

五味子

五分
炒研

白朮

三錢
土炒

石斛

二錢

水煎。連服三十劑。而骨熱解。再服六十劑。自受孕。

此方之妙。補腎中之精。涼骨中之熱。不消胞胎。而

胞胎自無太熱之患。然陰虛內熱之人。原易受妊。

今因骨髓過熱。所以受精而變燥。以致難於育子。

本非胞胎之不能受精。所以稍補其腎。殺其火之

有餘。而益其水之不足。便易種子耳。

治骨髓熱。所以不用熟地。方極善。用者萬勿加減。
凡峻藥。病去七分卽止。不必拘泥三十劑。六十劑
之數。

腰酸腹脹不孕三十七

婦人有腰酸背楚。胸滿腹脹。倦怠欲臥。百計求嗣。不能如願。人以爲腰腎之虛也。誰知是任督之困乎。夫任脉行於前。督脉行於後。然皆從帶脉之上下而行也。故任脉虛。則帶脉墜於前。督脉虛。則帶脉墜於後。雖胞胎受精。亦必小產。況在任督之脉。既虛而疝瘕之症。必起。疝瘕碍胞胎而外障。則胞胎縮於疝瘕之內。往往精施而不能受。雖餌以玉燕。亦何益哉。治法必須先去其疝瘕之病。而補其任督之脉。則提挈天

地把握陰陽。呼吸精氣。包裹成形。力足以勝任而無虞矣。外無所障。內有所容。安有不能生育之理。方用升帶湯。

白朮

一兩
土炒

人參

三錢

沙參

五錢

肉桂

一錢
去粗皮研

葶藶粉

三錢

鱉甲

三錢
炒

茯苓

三錢

半夏

一錢
製

神麩

一錢
炒

水煎服。三十劑。而任督之氣旺。再服三十劑。而疝瘕之症除。任督之氣升。而疝瘕自有難容之勢。況方中有肉桂以散寒。葶藶以祛積。鱉甲之攻堅。茯苓

苓之利濕。有形自化於無形。滿腹皆升騰之氣矣。
何至受精而再墜乎哉。

此方爲有疝瘕而設。故用沙參、葶藶、粉鷲、甲以破

堅理氣。若無疝瘕。去上三味。加杜仲。一錢半。炒黑。

澤瀉。一錢半。炒。甘枸杞。二錢。三味服之。腰酸腹脹自

除矣。鷲甲破氣。不可誤服。惟有疝瘕與肝鬱者宜之。

便澁腹脹足浮腫不孕三十八

婦人有小水艱澁。腹脹脚腫。不能受孕者。人以爲小腸之熱也。誰知是膀胱之氣不化乎。夫膀胱原與胞胎相近。膀胱病而胞胎亦病矣。蓋水濕之氣。必走膀胱。而膀胱不能自化。必得腎氣相通。始能化水以出陰器。倘膀胱無腎氣之通。則膀胱之氣化不行。水濕之氣。必且滲入胞胎之中。而成汪洋之勢。汪洋之川。又何能生物也哉。治法必須壯腎氣以分清胞胎之濕。益腎火以達化膀胱之水。使先天之本壯。則膀胱

之氣化。胞胎之濕除。而汪洋之田。化成雨露之壤矣。水化則膀胱利。火旺則胞胎煖。安有布種而不發生哉。方用化水種子湯。

巴戟一兩 白朮一兩 茯苓五錢 人參三錢

兔絲子五錢 芡實五錢 車前二錢 肉桂一錢
鹽水浸 土炒 酒炒 去粗皮研

水煎服二劑。膀胱之氣化。四劑艱澁之症除。又十劑虛脹脚腫之病形消。再服六十劑。腎氣大旺。胞胎溫煖。易於受胎。而生育矣。此方利膀胱之水。全在補腎中之氣。煖胞胎之氣。全在壯腎中之火。至

於補腎中之藥。多是濡潤之品。不以濕而益助其
濕乎。然方中之藥。妙於補腎之火。而非補腎之水。
尤妙於補火而無燥烈之虞。利水而非蕩滌之猛。
所以膀胱氣化。胞胎不濕。而發榮長養無窮。與便
澁腹脹足浮腫。此症極多。不惟不能受孕。抑且漸
添雜症。久而不愈。甚有成勞瘵不治者。此方補水
而不助濕。補火而使歸原。善極。不可加減一味。若
無好肉桂。以破故紙一錢代之。用核桃仁二箇。連
皮燒黑。去皮用仁作引。若用好肉桂。卽不用核

桃引。

女科上卷終